

# Sinergi saintis majukan sains dan teknologi

ANITA ABU HASAN

**SAINTIS** perlu menguasai asas biologi, fizik, kimia dan matematik sebelum boleh menjadi saintis cemerlang dalam bidang yang diceburinya.

Timbalan Menteri Kementerian Sumber Asli dan Alam Sekitar, Datuk Dr James Dawos Mamit, memberi dua contoh dihadapi Malaysia yang menunjukkan pakar bidang sains asas memainkan peranan penting menyelesaikan sesuatu masalah.

"Pertama, masalah jerebu di Malaysia yang berlaku hampir setiap tahun. Jerebu adalah interpretasi 'Chaos Theory', iaitu satu bidang kajian dalam matematik yang melibatkan disiplin lain seperti kejuruteraan, ekonomi, kaji cuaca, fizik dan biologi. Pakar-pakar yang berkaitan dengan bidang ini boleh bergabung serta berperangkat untuk menyelesaikan mautupun meminimumkan masalah ini daripada berlarutan dan berulang.

"Contoh kedua adalah hakisan persisian pantai. Dalam menanganai masalah ini pakar fizik dan matematik boleh menyediakan model bagi kadar hakisan yang berbeza di kawasan berbeza. Pakar kimia dan biologi pula boleh mengkaji proses hakisan, tindakan kimia yang berlaku dan kesannya. Gabungan daripada hasil kajian keenam-empat bidang ini boleh diintegrasikan untuk menyediakan kaedah mengurangkan hakisan pantai yang

efektif," katanya.

Beliau berkata demikian pada perasmian seminar Fundamental Science Congress (FSC) 2013 anjuran Fakulti Sains, Universiti Putra Malaysia (UPM), baru-baru ini.

Sehubungan itu katanya, penerokaan sains asas sangat penting dalam kemajuan sains dan teknologi, terutama bagi Malaysia yang sangat tinggi biodiversiti dan sumber asli.

Dalam pada itu, FSC merupakan program tahunan Fakulti Sains, UPM semenjak 2009 dan tahun ini ia bertemakan "Exploring the Fundamentals".

Pengerusinya, Prof Dr Ahmad Ismail berkata, kongres yang disertai ramai penyelidik dalam bidang biologi, fizik, kimia dan matematik ini menumpukan perincangan dalam bidang sains asas.

"Tanpa sains asas yang mantap, sains gunaan tidak boleh maju."

"Justeru, ahli sains muda lebih cenderung kepada kajian sains asas dan mencadangkan dan penyelidikan perlunya ditambah," katanya.

Ahmad berkata, antara perkara penting dibincangkan menerusi kongres itu adalah mengenai kerjasama semua pihak dalam menjayakan konservasi hidupan liar negara.

"Malaysia adalah sebuah negara mega biodiversiti terkemuka di dunia. Sudah tentu aktiviti ini sangat penting dan sokongan pihak kerajaan, korporat dan institusi penyelidikan sangat diperlukan," katanya.

James Dawos (kanan) menerima cenderahati buku prosiding kongres.



## OBJETIF KONGRES INI ADALAH:

- Untuk membina rangkaian dan perlonggar hasil penyelidikan terkini dalam bidang sains fundamental
- Sebagai platform untuk per Kongres ilmu antara pakar-pakar dari sektor industri dan akademik
- Untuk menggalakkan perbincangan antara ahli sains dalam penyelidikan yang
- sedang dijalankan dalam bidang sains fundamental
- Untuk mengenal pasti potensi untuk kolaborasi penyelidikan amara peserta untuk menguadakan budaya penyelidikan perkongsian maklumat dan jarang keparahan di kalangan generasi muda



Sebahagian peserta yang mengikuti perbincangan parbincangan kongres.